



ҚАЗАҚСТАН РЕСПУБЛИКАСЫНЫҢ  
ҰЛТТЫҚ БАНКІ

№ 47 Б А С П А С Ө З Р Е Л И З І  
2007 ЖЫЛҒЫ 4 ЖЕЛТОҚСАН

Халықаралық резервтер, ақша базасы,  
Ұлттық қордың шоттарындағы ақша  
қаражаты және ағымдағы жылдың  
желтоқсанында ноталар шығару  
кестесі туралы

1. Халықаралық резервтер және ақша базасы. Қазақстан Республикасы Ұлттық Банкінің халықаралық резервтері (Ұлттық Қордың ақшасын ескермей) және ақша базасы 2007 жылғы 30 қарашада мынадай болды:

	Ағымдағы бағамен	Тұрақты бағамен <sup>1</sup>
<b>Таза халықаралық резервтер, млн.долл.</b>	<b>18 116,9</b>	<b>17 764,5</b>
оның ішінде:		
ЕАВ таза активтер <sup>2</sup>	16 355,8	16 355,8
Алтын	1 761,1	1 408,7
<b>Ақша базасы, млрд. теңге</b>	<b>1 490,0</b>	<b>1 490,0</b>
Аз ақша базасы <sup>3</sup> , млрд. теңге	1 485,2	1 485,2
ҚРҰБ-дегі ЕДБ-дің мерзімді депозиттері <sup>4</sup> , млрд. теңге	4,8	4,8
KZT/USD (кезең аяғында)	120,87	127,00
Алтынның бағасы (1 трой унциясы үшін USD-мен)	794,75	635,70

1 2006 жылдың аяғындағы теңгенің АҚШ долларына бағамы және алтынның бағасы көрсетілген.

2 ЕАВ-мен таза активтер – бұл ЕАВ-ғы жалпы активтер мен резидент еместер алдындағы міндеттемелер арасындағы айырмашылық

3 Аз ақша базасы – ҚРҰБ-нің ЕДБ мерзімді депозиттері ескерілмеген ақша базасы

4 ЕДБ – екінші деңгейдегі банктер

2007 жылғы қарашада Ұлттық Банктің халықаралық резервтері ұлғайды.

Ұлттық Банктің таза халықаралық резервтерінің ағымдағы бағасы 4,0 % (немесе 690,2 млн. долл.) өсті.

Ішкі валюта нарығында валюта сатып алу, Үкіметтің Ұлттық Банктегі шотына валютаның түсуі Қаржы министрлігінің сыртқы борышына қызмет көрсету және екінші деңгейдегі банктердің Ұлттық Банктегі шетел валютасымен корреспонденттік шоттарындағы қалдықтардың төмендеуі бойынша жасалған операцияларға қарамастан таза валюта қорларының (ЕАВ) 507,4 млн. долл. өсуіне әкелді. Алтынмен активтер жүргізілген операциялар және оның әлемдік рыноктардағы бағасының 1,5%-ға өсуі нәтижесінде 182,8 млн. долларға ұлғайды.

Тұрақты бағамен Ұлттық Банктің таза халықаралық резервтері 3,7 %, ЕАВ-мен таза активтер - 3,2 % , алтынмен активтер 9,9% өсті.

Елдің халықаралық резервтері жалпы алғанда (ағымдағы бағамен) яғни, Ұлттық Қордың ақшасын (алдын-ала деректер бойынша – 20 762,2 млн. долл.) қоса алғанда 3,7% ұлғайды және 38 882,1 млн. долл. болды.

Ұлттық Банктің таза ішкі активтерінің төмендеуі (Ұлттық Банктің екінші деңгейдегі банктерге талаптарының және басқа таза ішкі активтердің төмендеуі) қарашада ақша базасының 0,8 % (немесе 12,7 млрд. теңгеге) тарылуына байланысты болды.

**2. Ұлттық қордың шоттарындағы ақша қаражаты.** Қазақстан Республикасы Ұлттық қорының (бұдан әрі – Қор) шоттарындағы конвертациялауға жататын сома 2007 жылғы желтоқсанда **109,6 млрд. теңге болды.**

Қордың активтерін конвертациялау және қайта конвертациялау ережесіне сәйкес Ұлттық Банк Қордың ақшасын одан әрі инвестициялау мақсатында осы соманы рұқсат етілген құралдарға конвертациялауды жүзеге асырады. Конвертация Ұлттық Банктің шетел валютасындағы алтынвалюта активтерінен немесе шетел валютасындағы қаржы құралдарынан Ұлттық Банктің операция жүргізілген немесе операция жүргізу сәтінде қалыптасқан бағам бойынша ішкі валюта нарығында теңгемен шетел валютасын сатып алу күнгі ресми бағамы бойынша сату арқылы жүзеге асырылады.

Бұл ретте Қорға теңгемен түскен түсімдер Қордың кепілдік берілген трансферттің бекітілген көлеміне сәйкес ағымдағы айдың соңында немесе келесі айдың басында жүзеге асырылатын кепілдік берілген трансферттер түріндегі шығыстары үшін жеткілікті соманы жинақтағанға дейін бір айдың ішінде конвертацияланбайды.

### **3. 2007 жылғы желтоқсандағы Ұлттық Банктің ноталарын шығару кестесі.**

2007 жылғы желтоқсанда Ұлттық Банк Кестеге сәйкес қысқа мерзімді ноталардың 4 аукционын өткізеді:

<b>Күні</b>	<b>Айналу мерзімі, күн</b>	<b>Шығарудың жарияланған көлемі, млрд. теңге</b>
07.12.2007	28	100
14.12.2007	28	100
21.12.2007	28	100
28.12.2007	28	100